

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09) i člana 19. Statuta Općine Foča („Službene novine Bosansko-podrinjskog kantona Goražde“, broj 8/08, 11/08, 16/13 i 7/20), Općinsko vijeće Općine Foča, na 9. (devetoj) redovnoj sjednici održanoj dana 30.12.2021. godine, donosi:

PRAVILNIK O DODJELI STIPENDIJA

I-OPĆE ODREDBE

Član 1.

Ovim Pravilnikom propisuju se uslovi, kriteriji i postupak za dodjelu stipendija iz Budžeta Općine Foča redovnim učenicima srednjih škola i redovnim studentima, prava i obaveze korisnika stipendija i druga pitanja koja se odnose na dodjelu stipendija.

Član 2.

Pravo na stipendiju mogu ostvariti redovni učenici srednjih škola i redovni studenti koji ispunjavaju opće uslove za dodjelu stipendija i kriterije za ostvarivanje prava na dodjelu stipendija propisane ovim Pravilnikom.

Član 3.

Broj korisnika stipendija, iznos pojedinačnih stipendija i deficitarnost zanimanja za svaku školsku/studijsku godinu utvrđuje Općinsko vijeće na prijedlog Općinskog načelnika.

II-OPĆI USLOVI ZA DODJELU STIPENDIJA

Član 4.

Stipendiju iz Budžeta Općine Foča mogu ostvariti učenici srednjih škola i studenti I (prvog) i II (drugog) ciklusa studija koji ispunjavaju opće uslove za dodjelu stipendija, i to:

- da su državljani Bosne i Hercegovine,
- da imaju prebivalište na području Općine Foča najmanje šest mjeseci prije raspisivanja konkursa za dodjelu stipendija,
- da su redovni učenici srednjih škola koji ne obnavljaju razred iz prethodne školske godine (za učenike),
- da su redovni studenti koji prvi put upisuju određenu godinu studija na jednoj od visokoškolskih ustanova na području Bosne i Hercegovine, a koji u toku studija nisu imali više od jedne obnovljene godine (za studente),
- da ne primaju stipendiju, kredit ili neki drugi oblik novčane naknade koja ima obilježje stipendije, od drugog davaoca.

III-KRITERIJI ZA OSTVARIVANJE PRAVA NA DODJELU STIPENDIJA

Član 5.

Kriteriji za ostvarivanje prava na dodjelu stipendija učenicima srednjih škola, su:

- 1) deficitarnost zanimanja,
- 2) uspjeh u završnom razredu osnovne škole za učenike koji upisuju I razred srednje škole ili uspjeh u prethodnom razredu srednje škole za učenike koji upisuju II, III ili IV razred srednje škole,
- 3) socijalni status učenika i članova njegove uže porodice, odnosno njegovog domaćinstva,
- 4) djeca pripadnika boračkih populacija.

Kriteriji za ostvarivanje prava na dodjelu stipendija studentima, su:

- 1) deficitarnost zanimanja,
- 2) uspjeh u završnom razredu srednje škole za studente koji upisuju prvu godinu I ciklusa studija ili uspjeh u prethodnoj godini studija za studente koji upisuju višu godinu I ciklusa studija ili II ciklus studija,
- 3) socijalni status studenta i članova njegove uže porodice, odnosno njegovog domaćinstva,
- 4) djeca pripadnika boračkih populacija.

Iz jedne porodice, odnosno domaćinstva, samo jedan učenik ili student može biti korisnik stipendije iz Budžeta Općine Foča. Izuzetak su učenici/studenti deficitarnih zanimanja i učenici/studenti bez oba roditelja.

a) Kriteriji za ostvarivanje prava na dodjelu stipendija učenicima srednjih škola

Član 6.

1.a) Po osnovu kriterija za ostvarivanje prava na dodjelu stipendija – deficitarnost zanimanja, kandidat može ostvariti sljedeći broj bodova:

- smjerovi deficitarnih zanimanja.....20 bodova,
- ostali smjerovi.....10 bodova.

2.a) Po osnovu kriterija za ostvarivanje prava na dodjelu stipendija – uspjeh u završnom razredu osnovne škole za učenike koji upisuju I razred srednje škole, kandidat može ostvariti sljedeći broj bodova:

- učenik generacije u osnovnoj školi.....30 bodova,
- odličan uspjeh u završnom razredu osnovne škole.....20 bodova,
- vrlodobar uspjeh u završnom razredu osnovne škole.....10 bodova,
- dobar uspjeh u završnom razredu osnovne škole.....5 bodova.

2.b) Po osnovu kriterija za ostvarivanje prava na dodjelu stipendija – uspjeh u prethodnom razredu srednje škole za učenike koji upisuju II, III ili IV razred srednje škole, kandidat može ostvariti sljedeći broj bodova:

- odličan uspjeh u prethodnom razredu srednje škole sa prosjekom ocjene 5,0.....30 bodova,
- odličan uspjeh u prethodnom razredu srednje škole.....20 bodova,
- vrlodobar uspjeh u prethodnom razredu srednje škole.....10 bodova,
- dobar uspjeh u prethodnom razredu srednje škole.....5 bodova.

3.a) Po osnovu kriterija za ostvarivanje prava na dodjelu stipendija – socijalni status učenika i članova njegove uže porodice, odnosno njegovog domaćinstva (ukupna mjesečna primanja po članu domaćinstva), kandidat može ostvariti sljedeći broj bodova:

- primanja po članu domaćinstva do 100,00 KM.....30 bodova,
- primanja po članu domaćinstva od 101,00 do 200,00 KM.....25 bodova,
- primanja po članu domaćinstva od 201,00 do 300,00 KM.....20 bodova,
- primanja po članu domaćinstva od 301,00 do 400,00 KM.....15 bodova,
- primanja po članu domaćinstva od 401,00 do 500,00 KM.....10 bodova,
- primanja po članu domaćinstva preko 500,00 KM.....5 bodova.

3.b) Po osnovu kriterija za ostvarivanje prava na dodjelu stipendija – socijalni status učenika i članova njegove uže porodice, odnosno njegovog domaćinstva (socijalni status i invaliditet), kandidat može ostvariti sljedeći broj bodova:

- učenik bez oba roditelja.....20 bodova,
- učenik bez jednog roditelja.....10 bodova,
- učenik sa invaliditetom 90-100%.....8 bodova,
- učenik sa invaliditetom 50-89%.....6 bodova,
- učenik čiji roditelji ima invaliditet 80-100%.....4 boda.

3.c) Po osnovu kriterija za ostvarivanje prava na dodjelu stipendija – socijalni status učenika i članova njegove uže porodice, odnosno njegovog domaćinstva (broj učenika/studenata u zajedničkom domaćinstvu pored kandidata za stipendiju), kandidat može ostvariti sljedeći broj bodova:

- učenik kojem dvoje i više braće/sestara studiraju ili pohađaju srednju školu.....10 bodova,
- učenik kojem brat/sestra studiraju ili pohađaju srednju školu.....5 bodova.

4.a) Po osnovu kriterija za ostvarivanje prava na dodjelu stipendija – djeca pripadnika boračkih populacija, kandidat može ostvariti sljedeći broj bodova:

- djeca iz porodica šehida/poginulih boraca i djeca ratnih vojnih invalida 90-100% pripadnika OS RBiH.....20 bodova,
- djeca nezaposlenih demobilisanih branilaca, djeca ratnih vojnih invalida 70-89% i djeca dobitnika ratnih priznanja „Zlatni ljiljan“ i „Zlatna policijska značka“ pripadnika OS RBiH.....15 bodova,
- djeca demobilisanih branilaca OS RBiH.....10 bodova.

U tački 3.b) ovog člana boduju se sve kategorije za koje kandidat može ostvariti bodove, a u tački 4.a) boduje se samo jedna kategorija, koja donosi najviše bodova za kandidata.

b) Kriteriji za ostvarivanje prava na dodjelu stipendija studentima

Član 7.

1.a) Po osnovu kriterija za ostvarivanje prava na dodjelu stipendija – deficitarnost zanimanja, kandidat može ostvariti sljedeći broj bodova:

- fakulteti deficitarnih zanimanja.....20 bodova,
- ostali fakulteti.....10 bodova.

2.a) Po osnovu kriterija za ostvarivanje prava na dodjelu stipendija – uspjeh u završnom razredu srednje škole za studente koji upisuju prvu godinu I ciklusa studija, kandidat može ostvariti sljedeći broj bodova:

- učenik generacije u srednjoj školi.....30 bodova,
- odličan uspjeh u završnom razredu srednje škole.....20 bodova,
- vrlodobar uspjeh u završnom razredu srednje škole.....10 bodova,
- dobar uspjeh u završnom razredu srednje škole.....5 bodova.

2.b) Po osnovu kriterija za ostvarivanje prava na dodjelu stipendija – uspjeh u prethodnoj godini studija za studente koji upisuju višu godinu I ciklusa studijaili II ciklus studija, kandidat može ostvariti sljedeći broj bodova:

- prosjek ocjene10,0.....30 bodova,
- prosjek ocjene od 9,0 do 9,9.....20 bodova,
- prosjek ocjene od 8,0 do 8,9.....10 bodova,
- prosjek ocjene od 6,5 do 7,9.....5 bodova.

3.a) Po osnovu kriterija za ostvarivanje prava na dodjelu stipendija – socijalni status studenta i članova njegove uže porodice, odnosno njegovog domaćinstva (ukupna mjesečna primanja po članu domaćinstva), kandidat može ostvariti sljedeći broj bodova:

- primanja po članu domaćinstva do 100,00 KM.....30 bodova,
- primanja po članu domaćinstva od 101,00 do 200,00 KM..... 25 bodova,
- primanja po članu domaćinstvaod 201,00 do 300,00 KM.....20 bodova,
- primanja po članu domaćinstva od 301,00 do 400,00 KM.....15 bodova,
- primanja po članu domaćinstva od 401,00 do 500,00 KM..... 10 bodova,
- primanja po članu domaćinstva preko 500,00 KM.....5 bodova.

3.b) Po osnovu kriterija za ostvarivanje prava na dodjelu stipendija – socijalni status studenta i članova njegove uže porodice, odnosno njegovog domaćinstva (socijalni status i invaliditet), kandidat može ostvariti sljedeći broj bodova:

- student bez oba roditelja.....20 bodova,
- student bez jednog roditelja.....10 bodova,
- student sa invaliditetom 90-100%.....8 bodova,
- student sa invaliditetom 50-89%6 bodova,
- student čiji roditelj ima invaliditet 80-100%.....4 boda.

3.c) Po osnovu kriterija za ostvarivanje prava na dodjelu stipendija – socijalni status studenta i članova njegove uže porodice, odnosno njegovog domaćinstva (broj studenata/učenika u zajedničkom domaćinstvu pored kandidata za stipendiju), kandidat može ostvariti sljedeći broj bodova:

- student kojem dvoje i više braće/sestara studiraju ili pohađaju srednju školu.....10 bodova,
- student kojem brat/sestra studiraju ili pohađaju srednju školu.....5 bodova.

4.a) Po osnovu kriterija za ostvarivanje prava na dodjelu stipendija – djeca pripadnika boračkih populacija, kandidat može ostvariti sljedeći broj bodova:

- djeca iz porodica šehida/poginulih boraca i djeca ratnih vojnih invalida 90-100% pripadnika OS RBiH.....20 bodova,

- djeca nezaposlenih demobilisanih branilaca, djeca ratnih vojnih invalida 70-89% i djeca dobitnika ratnih priznanja „Zlatni ljiljan“ i „Zlatna policijska značka“ pripadnika OS RBiH.....15 bodova,
- djeca demobilisanih branilaca OS RBiH.....10 bodova.

U tački 3.b) ovog člana boduju se sve kategorije za koje kandidat može ostvariti bodove, a u tački 4.a) boduje se samo jedna kategorija, koja donosi najviše bodova za kandidata.

Član 8.

U slučaju da dva ili više kandidata nakon obavljenog bodovanja, ostvare isti broj bodova, prednost sljedećim redoslijedom ima:

1. kandidat iz porodice šehida/poginulog borca, RVI 90-100% i kandidat bez oba roditelja,
2. kandidat iz porodice demobilisanog branioca OS RBiH,
3. kandidat sa većom prosječnom ocjenom u prethodnoj školskoj/studijskoj godini,
4. kandidat na višim godinama školovanja/studija.

IV-DOKAZI O ISPUNJAVANJU OPĆIH USLOVA I KRITERIJA ZA OSTVARIVANJE PRAVA NA DODJELU STIPENDIJA

Član 9.

Kao dokaz o ispunjavanju općih uslova za dodjelu stipendija propisanih ovim Pravilnikom, kandidati na konkursu za dodjelu stipendija prilažu sljedeću dokumentaciju (obavezna dokumentacija):

- uvjerenje o državljanstvu,
- potvrdu o prebivalištu, izdatu nakon objavljivanja konkursa,
- dokaz o statusu redovnog učenika srednje škole/studenta,
- dokaz da učenik ne obnavlja razred u srednjoj školi iz prethodne školske godine (za učenike),
- dokaz da je student prvi put upisao određenu godinu studija na jednoj od visokoškolskih ustanova na području Bosne i Hercegovine i da u toku studija nije imao više od jedne obnovljene godine (za studente),
- ovjerenu izjavu kandidata da nije korisnik stipendije, kredita ili nekog drugog oblika novčane naknade koja ima obilježja stipendije, od drugog davaoca (pravnog ili fizičkog lica) u školskoj/studijskoj godini u kojoj se prijavljuje na konkurs za dodjelu stipendija u Općini Foča,
- ovjerenu izjavu kandidata kojom se daje saglasnost za objavu ličnih podataka prilikom objave liste kandidata za dodjelu stipendija i rezultata konkursa.

Kao dokaz o ispunjavanju kriterija za ostvarivanje prava na dodjelu stipendija propisanih ovim Pravilnikom, kandidati na konkursu za dodjelu stipendija prilažu sljedeću dokumentaciju (neobavezna dokumentacija koja utiče na rezultat ostvarenih bodova):

- dokaz o članovima zajedničkog domaćinstva (kućna lista),
- dokaz o članovima zajedničkog domaćinstva koji redovno pohađaju osnovu školu, srednju školu ili studiraju,

- dokaz (diploma, svjedočanstvo, đaćka knjižica) o uspjehu u završnom razredu osnovne škole za učenike koji upisuju I razred srednje škole ili uspjehu u prethodnom razredu srednje škole za učenike koji upisuju II, III ili IV razred srednje škole,
- dokaz o ostvarenom priznanju - učenik generacije, u osnovnoj ili srednjoj školi,
- dokaz o uspjehu u završnoj godini srednje škole za studente koji upisuju prvu godinu I ciklusa studija ili uspjehu u prethodnoj godini studija sa prosjekom ocjene za studente koji upisuju višu godinu I ciklusa studija ili II ciklus studija,
- dokaz o ukupnim mjesečnim primanjima/prihodima za punoljetne članove zajedničkog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite, socijalne zaštite i po drugim osnovama,
- dokaz o nezaposlenim punoljetnim članovima zajedničkog domaćinstva (uvjerenje o statusu nezaposlene osobe od nadležne službe za zapošljavanje ili od nadležne službe PIO da se ne vodi kao osigurana osoba po osnovu radnog odnosa),
- dokaz da je kandidat bez jednog ili oba roditelja (izvod iz matične knjige umrlih),
- dokaz o ličnom invaliditetu kandidata za dodjelu stipendije (preko 50%),
- dokaz o invaliditetu roditelja (preko 80%),
- dokaz da je kandidat član porodice pripadnika boračkih populacija.

Član 10.

Dokazi o ispunjavanju općih uslova za dodjelu stipendija i kriterija za ostvarivanje prava na dodjelu stipendija iz člana 9. ovog Pravilnika dostavljaju se u originalu ili ovjerenoj fotokopiji odgovarajuće isprave.

V-POSTUPAK ZA DODJELU STIPENDIJA

Član 11.

Dodjela stipendija se vrši na osnovu konkursa koji objavljuje Općinski načelnik.

Konkurs se objavljuje na službenoj web stranici i na oglasnoj tabli Općine Foča, a može se objaviti i u drugim sredstvima javnog informisanja.

Konkurs sadrži podatke o uslovima i kriterijima za dodjelu stipendija, broju i iznosu stipendija koje se dodjeljuju, popisu dokumentacije neophodne za dokaz o ispunjavanju uslova konkursa, roku za podnošenje prijave, nazivu i adresi organa kojem se prijave podnose.

Član 12.

Izbor učenika i studenata za dodjelu stipendija se vrši rangiranjem učenika i studenata po broju bodova ostvarenih po utvrđenim kriterijima, a do odobrenog broja stipendija, odvojeno za učenike i studente.

Član 13.

Konkursnu proceduru i postupak dodjele stipendija provodi Komisija koju imenuje Općinski načelnik.

O svom radu Komisija vodi zapisnik.

Zadatak Komisije je da nakon zatvaranja konkursa utvrdi ukupni broj prijava dostavljenih na konkurs, utvrdi broj blagovremeno dostavljenih i potpunih prijava u pogledu ispunjavanja općih uslova i kriterija za ostvarivanje prava na dodjelu stipendija, izvrši bodovanje prijava po kriterijima iz članova 6. i 7. ovog Pravilnika i utvrdi liste kandidata za dodjelu stipendija učenicima i studentima redoslijedom po broju ostvarenih bodova.

Komisija je dužna okončati konkursnu proceduru i liste kandidata za dodjelu stipendija dostaviti Općinskom načelniku u roku do 30 dana od dana zatvaranja konkursa za dodjelu stipendija.

Po potrebi, Komisija može u toku postupka tražiti od kandidata ili ustanova dopunu podataka ili provjeru dokaza.

Član 14.

Liste kandidata za dodjelu stipendija po broju ostvarenih bodova i sa naznakom kandidata koji su ostvarili pravo na stipendiju, objavljuju se na službenoj web stranici i na oglasnoj tabli Općine Foča.

Svi kandidati na konkursu moraju biti pismeno obaviješteni o rezultatima konkursa najkasnije u roku od 8 dana od utvrđivanja listi kandidata za dodjelu stipendija.

Kandidati koji smatraju da je na konkursu njegova priložena dokumentacija nepravilno bodovana ili da su povrijeđena njihova prava u vezi sa ostvarivanjem prava na stipendiju, mogu uložiti prigovor Općinskom načelniku u roku od 7 dana od dana dostavljanja obavijesti iz prethodnog stava ovog člana.

Član 15.

Nakon isteka roka predviđenog za ulaganje prigovora i nakon razmatranja eventualno uložениh prigovora, Općinski načelnik donosi konačnu Odluku o dodjeli stipendija u školskoj/studijskoj godini, a na osnovu listi kandidata za dodjelu stipendija iz člana 14. ovog Pravilnika.

Član 16.

Ukoliko kandidat nakon donošenja konačne Odluke o dodjeli stipendija u školskoj/studijskoj godini, a prije početka njene isplate, odustane od dodijeljene stipendije, stipendija se dodjeljuje sljedećem kandidatu sa liste kandidata za dodjelu stipendija pod uslovom da u međuvremenu isti nije ostvario pravo na stipendiju, kredit ili drugi oblik novčane naknade koja ima obilježje stipendije.

VI-PRAVA I OBAVEZE UGOVORNIH STRANA

Član 17.

Na osnovu Odluke iz člana 15. ovog Pravilnika zaključuje se ugovor o stipendiranju između Općinskog načelnika i korisnika stipendije, odnosno učenika/studenta koji je ostvario pravo na stipendiju.

Ugovor o stipendiranju za maloljetnog učenika srednje škole korisnika stipendije potpisuje njihov roditelj ili staratelj.

Ugovorom o stipendiranju se regulišu visina i način isplate stipendije, te prava i obaveze ugovornih strana.

Ugovor o stipendiranju se zaključuje u tri primjerka od kojih dva primjerka zadržava Općina Foča, a jedan primjerak korisnik stipendije.

Član 18.

Isplata stipendija u određenoj školskoj/studijskoj godini vršit će se u osam jednakih mjesečnih rata, za period od mjeseca novembra do mjeseca juna naredne godine.

Izuzetno, Općinski načelnik može iz objektivnih razloga (kašnjenje u proceduri usvajanja Budžeta Općine ili kašnjenje okončanja konkursne procedure za dodjelu stipendija) izvršiti isplatu više mjesečnih rata istovremeno.

Član 19.

Korisniku stipendije se sredstva na ime stipendije uplaćuju na račun koji korisnik stipendije ili njegov roditelj/staratelj ima otvoren kod banke.

Član 20.

Općinski načelnik će jednostrano raskinuti ugovor o stipendiranju i u tom slučaju korisniku stipendije se obustavlja daljnja isplata stipendije, ukoliko:

- izgubi status redovnog učenika/studenta,
- samovoljno prekine školovanje/studiranje,
- počne primati stipendiju, kreditili neki drugi oblik novčane naknade koja ima obilježja stipendije od drugog davaoca,
- se utvrdi da je korisnik stipendije u postupku ostvarivanja prava na stipendiju priložio netačne, odnosno neistinite podatke.

Korisnik stipendije je dužan u roku od 30 dana od dana nastupanja okolnosti iz stava 1. ovog člana obavijestiti Općinu o istim, kao i o promjeni adrese stanovanja i drugim činjenicama u vezi sa dodjelom stipendije.

U slučaju da korisnik stipendije ne dostavi obavijest o nastupanju nekog od razloga za raskid ugovora, odnosno za obustavu isplate stipendije, a Općina dobije saznanja o istom, jednostranim raskidom ugovora obustavlja mu se daljnja isplata stipendije u toj školskoj/studijskoj godini.

Član 21.

Student korisnik stipendije je dužan na početku svakog semestra dostaviti Općini ovjerenu fotokopiju potvrde o upisu, a u protivnom mu se obustavlja daljnja isplata stipendije.

Član 22.

Pod uslovom poštivanja ugovornih obaveza, a nakon isteka ugovornog roka, korisnik stipendije nema obaveza prema Općini Foča po osnovu stipendije, odnosno nema obavezu vraćanja primljenog iznosa za stipendiju.

VII-ZAVRŠNE ODREDBE

Član 23.

Stupanjem na snagu ovog Pravilnika prestaje da važi Pravilnik o uslovima, načinu i kriterijima za dodjelu studentskih stipendija, broj: 02-14-526/11, od 25.04.2011. godine.

Član 24.

Ovaj Pravilnik stupa na snagu danom objavljivanja u „Službenim novinama Bosansko-podrinjskog kantona Goražde”, a primjenjivat će se od školske/studijske 2022/2023. godine.

OPĆINSKO VIJEĆE
OPĆINE FOČA

Broj:02-1-11-1600/21
Ustikolina;30.12.2021.godine

Predsjedavajući OV-a
Mirza Bašić s.r.